

畿

輔

安

瀾

志

畿輔安瀾志

原王履泰恭纂

白河卷二

原委

白河南流入通州北境自此以下通得潞河之名矣
水經注沽水又南流逕安樂縣故城東俗謂之西
潞水也 又沽水又南左會鮑邱水世所謂東潞
也沽水又南逕潞縣爲有潞名潞河也 太平寰

字記幽州潞縣本漢舊縣潞河一名沽河一名鮑邱水後魏諸州記城西三十里有潞河源出北山南流爲此水也〔昌平山水記〕白河出通州爲潞河〔一統志〕潞縣故城在通州東水經注引魏氏土地記潞水在潞城西三十里寰宇記亦據其說是潞縣自唐以前雖嘗遷改而水在城西則不異也今潞水在縣東自遼金至明不聞有遷改事惟通鑑載五代趙德鈞城潞縣其去州道里較寰宇

記少十里遷治蓋在是時也

謹案方輿紀要白河在通州東一十里今河去城
三里又不同矣又許亢宗奉使行程錄潞撫東半
里許潞沙曹操征烏桓袁尚等繫渡自滹沱由派
水入潞沙卽此地也今三國志無潞沙之文又路
史幽之潞縣有潞水卽露河也潞河漢書地理志
作路今又別出一露河之文皆不足據

今謂之北運河

畿輔通志白河卽北運河也亦名潞河 武清縣志白河卽北運河也俗又呼爲外河

又南流逕通州舊城北關石壩外則有富河之水自西北來注之

水經注沽水又南濕餘水注之 河防志白河南流入通州境至北關外石壩處與富河會流是謂潞河 畿輔通志富河在通州西北卽古濕餘水也誤爲溫渝河亦曰榆河源出昌平州由順義縣

界至通州東北八里西浮橋下與白河合

羅案此
卽濕餘

河之下流也俗謂之富河
不知何取另詳本河篇

又有通會河之水自北流合焉亦曰通濟河

河防一覽白河會榆渾諸河至張家灣總名曰潞

河至通州卽與通惠河合勢並南流 明史地理

志通州西有通惠河西南有渾河卽桑乾河至州

東張家灣俱合於白河 又河渠志白漕者卽通

濟河源出塞地經密雲縣霧靈山爲潮河川而富

河晉口河七渡河桑乾河三里河俱會於此名曰
白河南流逕通州合通惠及榆渾諸河亦名潞河
謹案明史河渠志正統三年鑿河西務二十里河
成賜名通濟而金時先有通濟之名亦卽漕河也
漕河南用衛北用白此河在天津之北蓋專賴白
河以濟逕故謂之白漕也

又南流逕舊城東穿城而出又南流逕新城東環城
爲濠

畿輔通志通州又有新城在州西城外明景泰初
築萬厯二十二年戶部郎中于仕廉周視兩城隍
並可爲池請引通惠河注之詔濬三千三百餘丈
加深二尺許廣視深四倍

又南流逕張家灣城東則有凉水河之水自西南來
注之

長安客話張家灣潞河下流南北水陸要會自潞
河南至長店四十里水勢環曲官船客舫馴集於

此方輿紀要張家灣在州南十五里元萬戶張

瑄督海運至此而名東南運艘由直沽百十里至

河西務又百三十里至張家灣乃運入通州倉蓋

盧溝河與白河會流處也

謹案盧溝河至看丹口
分爲二一東流至通州

高麗莊入白河又清泉河亦曰渾河舊
渠東至張家灣入白河俱詳永定河篇

里道記

火燒屯西北七里曰公雞店又七里曰沙狐堆又

六里曰保運觀亦謂之李二寺又十里卽張家灣

矣二統志白河東南流至張家灣會涼水河涼

水河在宛平縣南由水頭莊發源東南流入南海子逕馬駒橋又東逕通州南曰南新河至張家灣城南入白河

謹案此河自南海子流出逕半壁橋出馬駒橋東抵高各莊分流一北入張家灣舊道也一南入鳳河新開河也雍正三年怡賢親王請自高各莊導入鳳河以清京西南漑水近時永定河東截鳳河之尾下入天津此河下稍已爲河所奪詳永定河

篇

又東流逕舊灤縣東則有灤河

並見永
足河篇

亦曰泗河來

注之

元史河渠志白河在灤州東四里 一統志灤縣

故城在通州南四十五里本遼所置灤陰縣也舊

志白河復折而南過廢灤縣東凡一百二十五里

川瀆異同漕河蕭家林又十里曰和合驛又二

十里至灤縣又十里則火燒屯也和合驛在通州

又二十里至潮縣楊家莊 長安客話泗河在潮
縣東四里卽迎河也四水會流故名一發源自塞
外東流至密雲縣與潮河川合流注通州城東北
入白河卽通州潞河也一自塞外西流入白羊口
逕榆河驛下流爲沙河由順義縣南界至通州城
西北入白河卽通州富河也一發源於昌平白浮
村神山泉出西南匯爲西湖東入都城積水潭南
至玉河橋由東南大通橋迤東入慶豐等牐卽通

會河入白河一自都城左安門外草橋流入南海
子東出洪仁橋由水南新河至張家灣板橋入白
河總名運河亦名白河 灤縣志白河濱有長陵
營馬頭店白浮圖曹家莊諸隄鋪皆運河必經之
道

謹案灤河方輿紀要畿輔通志皆云析爲三一爲
灤河正流一爲新莊河一爲黃漚河皆自盧溝分
流與長安客站異詳觀諸志灤河卽泗河亦卽涼

水河今惟涼水河有水而其三支卽潮白溫榆通
惠之流然方輿紀要以潮自分爲三支與運河而
爲四又不數溫榆通惠又香河縣志旣以白河爲
四水會流又曰泗河下全引長安客話似泗河爲
白河非潮河也下又引潮縣志潮河發源草橋流
入福海內又有一畝泉三水東流合流東出由張
家灣入白河至蒼頭村曰蒼頭河蕭后運糧河自
城西逕城北而東過白廟套襄渠口等村跨寶坻

入於海遇河泛漲卽能通舟而神機營馬房莊係
蕭后運糧河水泛則上通三路隄口一通二百戶
一通土門樓一通雙街隄口下經紫家莊丁家莊
仰家莊出境入寶坻在城南二十五里白廟莊蕭
后運糧河城東北五里水泛則上通本縣城河下
由張家小套莊許家莊焦家莊康家莊馬家窩小
河各莊宣教寺孫各莊入於雙港河本縣城河水
泛則上通四路隄口一廿十八一火燒屯一石灰

廠一甄家店水在城東北角出由胡家莊入白廟
蕭后運糧河此則又是渾河之決入白河東溢通
於鮑邱水之道今惟窩頭河下與白河通流不更
西決矣而諸水道亦多失其舊

又南流遶牛牧屯則有窩駝河支分之水會板簪口
運河入之又南流入香河縣境則有紙務河又有牛
家河駱駝港河新開河

小谷口兩河薛鏡通州運河道自香河縣交界起

至本州石壩止長一百一十五里 七省漕程運
河自香河縣板橋口十里至蕭家林十里至通州
和合店二十里至楊家莊十里至漷縣馬頭十七
里至公雞店七里至沙孤堆六里至保運觀卽李
二寺十里至張家灣十五里至通州潞河驛各省
漕程俱入通倉 畿輔通志窩陀河在香河縣西
北二十里卽蕭后運糧河也上通牛欄山窩頭莊
水下通三路隄口一由李家坑隄口入北吳村一

由明星堂隄口入廿十八隄口一由東濠莊尹家
河沙務莊張家灰店南吳村牛家屯入板簪口運
河 名勝志板簪口河源自通州之孤山麓流逕
香河縣西入於白河駱駝港河在香河縣北八里
源自三河縣之兔兒山流逕縣界入白河 明史
河渠志嘉靖十二年香河郭家莊自開新河一道
長百七十丈濶五十丈近舊河十里餘詔河官亟
繕治 二統志板簪口河在香河縣西十里源出

通州孤山麓上通密雲昌平路至此入白河牛家

務河在通州東北三十里源出牛欄山流逕西趙

村西過絳橋至王家擺渡入白河一名絳河紕務

河在香河縣西二里流入城濠

謹案諸河今多淤廢惟窩頭一河自

郭家莊以下尚水流交錯耳

怡賢親王京東水利奏畧通州

烟郊以南之水皆匯於窩頭分爲二股一股南入

運河一股東流逕香河之吳村匯於百家灣入七

里屯達於寶坻查七里屯以上大半淤塞地皆沙

鹵難以開鑿若將南流一股疏通深暢則窩頭經
流歸於運河分入香河之吳村者無多稍加濬導
則亦可免沖溢矣

謹案窩頭河水本鮑邱水自潮河絕流於牛欄山
故別出窩頭之名通志又云此河水本無源伏流
迅發衆流會於窩頭經香河縣百家灣東與渠水
合流東逕七里莊入寶坻縣東過城南之西石橋
至王甫莊與鮑邱河會則其下尾仍入於鮑邱惟

板簣口支流與白河合其道里詳見薊運河篇又
窩頭河之名以經窩頭村而得又謂之窩陀者音
聲之變也而畿輔通志又云富頭河在通州東三
十二里周五里許經年不竭多魚蝦之利當是富
與窩字形相近而訛耳 又案通州河或云長一
百八十里或云一百四十餘里而一統志引舊志
以爲一百二十五里自石壩口以南河防志兩河
薛鏡皆云一百一十五里則石壩河道以北止十

里耳太爲近矣一百八十里又太迂遠惟一百四十餘里之說近是漕運所記道里皆起石壩計程可達今考河自通州北境之桃園村南流逕平家灘又南流逕劉家莊又南流出東浮橋下與溫榆水合又南流逕州城東北隅與通惠河合又南流逕城東北土壩支分穿舊城環新城爲濠出城東南隅哈叭橋下又南流逕南浦閘又南流逕土橋又南流抵張家灣與正河合其正河自城東土壩

起南流逕楊家莊又南逕溫家莊屈曲南流至張
家灣城北與州城濠水之支流合又南流逕張家
灣城東南與涼水河合卽舊盧溝橋河支分之泉
又南流出善人橋下又南流逕銀子窪又南流逕
里仁泗又南流逕舊鄒縣之長陵營又南流逕楊
家隄折東流逕馬頭又東流逕橋兒上與窩頭河
支流合又東流逕牛牧屯入香河縣西北境長一
百四十餘里

又南流入武清縣

漢曰
雍奴

東北境其支分一爲新引河

一爲王家務引河

水經沽水又東南至雍奴縣西筈溝（城邑考唐

收雍奴爲武清其舊城距白河十七里元史河

渠志白河又流入武清縣境二統志白河復轉

而南入武清縣界畿輔通志新引河在武清縣

東北河西務東卽白河支流也康熙五十四年開

浚

謹案河自通州牛牧屯南入香河縣西北境起東
義村南流逕灰莊又南流逕高家屯東岸爲李家
淺蕭家林上淺蕭家林下淺板醫口淺西汪莊淺
火燒屯淺謝家淺又南流逕大王莊西岸爲止王
家樓又南流逕王家樓又南流逕王家擺渡又南
逕下坡莊西岸爲支堡又南流逕紅廟西岸爲莊
合又南流逕木廠又南流逕李家庄又南流逕車
營又南流逕寇家灣又南流王家務引河東出注

於寶坻縣之七里海又南流逕雙橋兩岸爲功德

林南入武清縣界其長四十四里舊云三十里

蓋河流屈曲遷徙靡常故也 又案王家務引河

舊名青龍灣引河

長安客話香河縣境南有大龍灣小龍灣二水夏秋始合流逕

寶坻縣界入七里海相傳遼時海運故道在武陵縣北首起香河縣紅

廟東流入縣其北境逕三百戶長林又東流逕塢

兒寺殷家莊崔家莊馬房湯家莊又東流逕寶坻

屬大口下哨李家排又東爲八道沽又東流逕漈

家莊樹兒窩狼兒窩又東流爲油香淀又東流逕

高家莊大白家莊于家莊又東流爲鯽魚淀又東

流爲東淀又東流注寧河之後海穿後海而出逕

俵唐兒注於七海里

詳前河篇

又東流入曲里海又

東流爲寧市沽又東流與副運河會於北塘時入

海長百八十里雍正九年開方輿紀要謂龍灣河

在香河縣南四十里入永平府昌黎縣之北里海

考香河在寶坻之西寶坻東北爲玉川東南爲寧

河正東爲豐潤豐潤東爲灤州昌黎又在灤州東
其間隔越灤河大川是水安能流注於昌黎縣境
耶蓋昌黎縣東別有一七里海紀要誤爲一也
又南流逕河西務城

明實錄穆宗隆慶四年八月築通州河西務城

長安客話河西務漕渠之咽喉也春夏之交病涸
夏秋之交病溢兩岸旅店叢集居積百貨爲京東
第一鎮川瀆異同河西務西南至武清縣三十

里自河西務以至通州張家灣計百四十里河狹
水迅路曲沙停凡五十有九淺云

又南流逕南北蔡村直縣治東三十里又南流逕楊
村務

元史本紀世祖至元十三年以楊村至浮雞泊漕
渠洄遠改從孔家務 方輿紀要白河在武清縣
東二十五里卽運河也北接灤縣南達天津新店
在縣西南八里亦運河所經今爲新店鋪 七省

漕程運河自武清縣楊村驛三十里至南北蔡村
丁里至磚廠十里至十家務十里至蒙村十里至
曰廟十里至河西務 二統志楊村務在武清縣
東南五十里

又南流逕潁溝新莊西南流逕馬家口

武清縣志河由香河石灰廠村至紅廟入縣境逕
河西務要兒渡王家務蒙村蔡村桃園筐兒港楊
村朱家莊老米店以上八處有淺馬家口至潁溝

新莊出縣境入天津縣界赴直沽入海

謹案河自縣東北境之雙衛與香河縣接界又南

流逕河西務又南流逕務關城又南流逕天齊廟

務關同知楊村通判交界於此又南流逕陳家莊東卽要兒渡明史

河渠志楊村以北勢若建瓴每多淤沙夏秋水漲苦潦冬春水微苦澁橫潰從改頗與黃河同要兒

渡在武清通又南流逕三里屯又南流逕蘓家

莊又南流逕八百戶其南有草壩又南流逕張家

莊其南有板壩又南流逕十百戶又南流逕蒙村

店

在河西岸

又南流逕蒙村

在河東岸

元史本紀世祖至元十三年八月奔武

清縣蒙村漕渠

又南流逕王家莊又南流逕四百戶又南

流逕富官屯又南流逕楊家王甫又南流逕魯家

王甫又南流逕三里淺又南流逕火燒屯又南流

逕磚廠又南流逕北蔡村

在河東岸

又南流逕南蔡村

又南流逕丁家園又南流逕定福莊又南流逕聶

官屯又南流逕中豐屯又南流逕尖子窩又南流

逕韓家營又南流逕陳官屯又南流逕下官屯又

御碑亭

康熙四十九年建

有引河東出注於塌河淀又南流逕費家

南流逕白駒廠又南流逕篋兒港又南流逕

莊又南流逕孔官屯又南流逕包家營又南流逕

薛家莊西岸爲鄭家樓又南流逕柴關西岸爲曹

家園又南流逕徐官屯又南流逕東楊村

在河東岸

又

南流逕西楊村

在河西岸

又南流逕下蔡園又南流逕

三里屯又南流逕下朱家莊西岸爲黃家莊又南

流逕高家樓西岸爲上老米店又南流逕雙廟西

岸爲觀音堂又南流逕郇家村又南流逕陳家莊
西岸爲下老米店又南流逕太平莊稍東爲淠溝
新莊迤西卽馬家口下入天津縣界共長一百五
十里有奇

又南流入天津府天津縣北之桃花口又南流逕孤
雲寺西值丁字沽又名丁直沽合西沽直沽爲三沽並謂衛河

篇

永經沽水又東南至雍奴縣西笥溝酈注濕水入

焉俗謂之合口焉 〔名勝志縣南八十里有三角
淀周迴二百餘里卽古雍奴水也笥溝其別名耳
水自范甕口王慶坨河及劉道口魚兒里諸水匯
於大沽港入於海 輿程記楊村而東二十里爲
桃花口又二十里爲丁字沽運道所經也 長安
客話三沽者丁字沽西沽直沽並禹蹟疏導之處
其曰丁字沽者以河形三岔如丁字也合衛河白
河會於直沽相縈入海土人呼直沽曰大直沽

舊撮直沽在靜海縣東北一百里大小二處小卽
天津城也丁字沽在靜海縣小直沽西南河防
志在武清縣東南衛河白河丁字沽合流於此又
東南四十里爲海口通典謂之三會海口武清
縣志河道北自香河縣交界紅廟村起南至天津
衛交界望海寺止計程一百九十六里方輿紀
要丁字沽在天津衛東北五里自武清縣滙白河
之水注於直沽今有丁字沽渡小直沽在靜海縣

北九十里志云出縣北五十里爲楊柳青又十里
爲當城又十里爲里堡又十里爲小南湖又十里
卽小直沽其北則白河受北路之水其南則衛河
受南路之水皆合於此同流入海由直沽而西北
三十里卽武清縣之楊村驛矣大直沽在靜海縣
東志云出縣南十五里有雙塘渡又東五里爲古
城渡又七十里至大直沽今天津衛東南十里卽
大直沽渡也小直沽受羣川委流大直沽又在其

東南地勢平行羣川漲溢茫無涯涘故有大直沽之名又東與小直沽並注於海青沽港在縣南八十里西接安沽港東合丁字沽入於海丁字沽東南去天津六十里

又南流逕西隄頭則有永定河之水北出鳳河之尾

詳永定河篇

合大清水自西來會之

水經沽水又東南至泉州縣與清河合東入於海清河者派河尾也酈注沽河又東南逕泉州縣故

城南王莽之泉調也

謹案泉州漢縣北魏廢入雍奴

沽水又東南

合清河也今無水清淇漳洹滏易涑濡沽潯池同歸於海故經曰派河尾也

謹案清河凡西南諸水皆滙入之詳清河篇

又南流逕紅橋又南流逕小紅橋則有子牙河水自西南來會之

謹案子牙河踰淀隄而出爲王家河上爲王家橋又東出淀隄爲于家河上有于家橋又東出疊道

爲紅橋又分支亦出疊道爲小紅橋詳渾沱河篇
又南流則有賈家口引河陳家溝引河合僅兒港引
河導塌河淀北流入焉又南派逕獅子林與南運河

合於三岔口

並詳衛河篇

畿輔通志白河又東南達天津府之三岔河由直
沽入海淀河在天津縣北五里永定子牙清河之
會流也自河頭至丁字沽入北運河長四十里淀
水浩淼至此始有涯岸故名河頭三岔河在縣東

北本名三汊口亦名三汊沽衛河自靜海縣來逕縣北而東其流濁白河自武清縣來亦逕縣北而東其流清至縣北二百步許謂之三岔河又東出直沽入於海直沽在縣東南衛河白河丁字沽之水滙流於此本名小直沽其南則衛河合南路之水其北則白河合北路之水地勢平行每遇霖潦羣川之溢直與海平故有直沽之名畿輔地圖記曰河過通州香河武清至天津三岔口與衛

河合流入海順天之水如巨馬如琉璃皆合於渾
河合玉帶河而入白河大抵下流萬派備白二河
其綱也入白諸水渾河及趙北口之四角河其綱
也

謹案僅兒港減河北運河支流也首起武清縣東
南北運河東岸隄起中分二支限以長垣北支起
西泃河東流逕大石橋朱家馬張官莊梅厰
郭家莊周家莊蔡家莊陳家莊楊家河出境入寶

坻縣韓勝莊注於塌河淀南支起賈家莊東流逕

褚家莊靠家莊梁家莊陳彪莊北王平張五家莊

注於麥子淀

在天津縣北
塌河淀西

由腰河

在麥子淀塌河
淀東二淀相通

路之入於塌河淀穿隄而出爲陳家溝賈家口兩引

河以入於海長一百里康熙三十九年開又賈家

口引河首起天津縣塌河淀之高家嘴逕宜興埠

燕家口賈家口其長一千七百九十丈入於海乾

隆十二年開挑六十九年重濬陳家溝引河首起

天津縣東北之運河東岸入於塌河淀長二千九
百丈塌河淀畿輔通志云一名大河淀卽北運河
筐兒港藉以蓄洩者也舊隸天津縣在城東北四
十里周百里此淀上無來源下通潮汐以陳家溝
賈家沽二河爲出納焉南北廣十五六里東西長
二十餘里南有小河一道出西隄頭逕城兒上出
七里海又案天津北運河西岸自龐家嘴入境
南流逕上蒲溝下蒲溝辛莊馬廠屈家莊桃花口

黃秦陸亭房新房桃花寺菜園王家莊吳家嘴唐
家灣丁字沽信家臺西沽東岸自小街入境南流
逕淖溝胡家園郎家灣馬家莊楊家堤柴家樓墪
家果園雙街沙家莊趙家莊常家莊李家嘴大周
家莊小周家莊丁趙莊腰窩閣家街北倉中倉南
倉穆家莊天齊廟柳灘火家溝白廟葦廠永定河
自北來大清河自西來俱匯於此又南經丁家莊
王家莊新莊隄頭又東南至三岔口與南運河合

入於海河身屈曲長五十三里河面寬十九丈
深五尺至一丈五尺不等自通州石壩起至天津
府東望海寺止總計程三百四十二里又東卽海
河矣諸書歷歷可考而漕船志河渠考作三百六
十里爲不同

直府城東由海河同入於海

並詳前
河篇

畿輔通志直沽又東南四十里爲海口杜佑通典
所謂三會海口也海河南北運淀河之會流也自

天津東北三岔口迄大沽口長三百二十里渙廣
阜柴奔流湍駛潮汐迎之則逆河而丁禹貢所謂
逆河是也 禹貢雖指禹貢同爲逆河入於海傳
曰同合爲一大河名逆河而入於渤海正義曰鄭
元云下尾河名爲逆河言相向迎合王肅曰同逆
一大河納之於海其意與孔同蘇氏曰逆河者既
分爲九又合爲一以一迎八而入於海卽渤海也
薛氏曰河入海處舊在平州石城縣東望碣石其

後大風逆河皆漸於海舊道湮矣程氏曰逆河世
謂之渤海者也逆河之地比九河又特窪下故九
水傾注焉雖其兩旁當有涯岸其實已與海水相
合不止望洋向若而已黃度尚書說曰逆河今皆
淪於海案經所謂海乃東海在碣石之東而說者
以爲渤海由不知渤海故逆河後爲海所漸耳此
先儒之通患唯子瞻士龍泰之文叔能辨之石城
縣故城在今直隸永平府灤州南三十里碣石之

東爲滄溟經之所謂海也其西則逆河後世謂之
渤海河渠書曰同爲逆河入於渤海溝洫志同蓋
漢人以渤海爲海而不知其爲逆河遂謂逆河在
南皮浮陽河自章武入海不至碣石矣千年積謬
至蘇薛程黃而一正又王橫曰往者天嘗連雨東
北風海水溢西南出浸數百里九河之地已爲海
所漸矣九河但湮塞耳而橫云爲海所漸世莫不
痛詆之百詩獨爲余官曰九河若作逆河則未爲

不是也又渤海之名古未嘗有也韓非子曰齊景
公與晏子遊於少海登柏臺之臺少海卽渤海景
公時已有之不但此也左傳僖公四年楚屈完言
於齊侯曰君處北海北海亦卽渤海則桓公時已
有之逆河南岸之地爲海所漸當在其前王橫云
往者猶言昔者其時之遠近不可知而必非謂漢
世又河之播而爲九也勢至此不得不分非禹有
意分之也其同爲逆河也勢至此不得不合非禹

有意合之也所以名逆者鄭意盡之自漢人以渤海爲海而逆河無所容其地矣唐人亦不明言逆河在何處徐堅初學記曰逆迎也言海口有朝夕潮以迎河水此義最優至宋而謬論叠出貽惑滋甚矣漕河圖志蔡使天下飛笏輓衆起於黃鍾瑯琊負海之郡轉粟北河卽白河也隋煬帝穿永濟渠引沁水北通涿郡蓋自白河入丁字沽由易水而達于涿也唐明皇時邊功運青萊之粟

浮海以給幽平之兵蓋亦由白河也宋太平興國中于清苑縣界開徐河雞距河入白河以通關南漕運元至元中海運出直沽入白河以抵京師按桑乾河自盧溝橋東南流經固安縣楊先務又經霸州苑家口合灰河渾源川崞川胡良河琉璃河廣陽河鹽河至武清縣丁字沽凡四百餘里入白河自楊先務至丁字沽通舟楫又保定府西北曹河徐河石橋河一畝泉河滋沙河鴉兒河唐河諸

水發源不一至安州西北十八里合流總名易水
過安州雄縣南又名瓦濟河東北經保定縣猶兒
灣又會中堡河長流河溫義河巨馬河白溝河至
霸州苑家口與桑乾河合自安州至丁字沽四百
餘里通舟楫又鉄幡竿河自博野東北流至河間
府數支遶城而北相合東北流五十餘里至市莊
分爲二一自市莊西北十五里流經任邱縣南分
爲二繞城而北相合東北流二十餘里至武盡淀

一自市莊東北流逕東莊橋至武盍淀二水又合
東北流至貓兒灣與桑乾河合自河間府至丁字
沽五百餘里任邱縣至丁字沽四百餘里俱通舟
楫案此則白河西北可通固安縣又可通安州東
南可通河間府桑乾易水亦可以漕運無疑矣抑
燕趙之間地方千里其間巨細河流悉至武清縣
丁字沽注於白河故一遇雨潦白河沸溢武清縣
要兒渡口南蔡村等處冲決隄岸壞民田廬起夫

築塞勞費萬計逮時旱乾舟行白河又或淺阻以
此知水勢盈涸不常不可以執一而論也

畿輔安瀾志

臣王履泰恭纂

白河卷三

附載

天乞力河

口北三廳志源出平安嶺洞兒溝流入白河平安嶺獨石口東南滴水崖堡口東一百五十里

外遂黑河

二統志在牧廠東南界獨石口東南四十五里土
人名阿祿遂黑河源出興安山北流逕齊倫巴爾

哈遜城洞

神泉

一統志在赤城縣西北馬營堡北三里池方一畝
其水迸出轉流成河浴之愈疾

紅泉

謹案方輿紀要以爲紅山下有紅泉東合大河入

龍門峽則似卽爲紅石山泉赤城縣志引舊志紅
泉在獨石城內今塞則非出自紅石山且已無此
泉矣辨見前

獨石泉

謹案畿輔通志在獨石城東北隅水極澄澈其甘
如飴滿而不溢宣化府志獨石城東北舊有一泉
今塞考獨石泉爲沽河之源在上都牧廠通志所
載似卽宣化府志所云據宣府志又似卽紅泉合

姑存之

飛泉

二統志蒼嵯山在馬營堡南二十里上有飛泉

水泉

赤城縣志一在左所堡一在樣田河東

瓊泉

二統志金閣山在雲州堡西南十五里前有遊仙
峪又有瓊泉在長春洞前

涼水泉

畿輔通志在龍門所東二里

東莊泉

畿輔通志在龍門所東南七十里

亂泉

續宣鎮志滴水崖口東北二十八里

神山

二統志神山在密雲縣北十五里下有水潭

聖水泉

二統志在密雲縣南十五里山下出泉環抱而流
爲縣之勝

龍門山泉

畿輔通志龍門山密雲縣東六十里山內有聖泉
菴黃涯洞泉湧如瀑布聲如雷

玉泉

畿輔通志玉泉山一名紅石山懷柔縣西北三里

山頂有泉出石窟中瑩潔如玉故名

寶帶渠

畿輔通志在懷柔縣城外縣人鍾其潔鑿引白河水繞城

小石城山龍泉

懷柔縣志狐奴山北麓鳥道而上里許漸潤漸平有寺寺後有小石城山下有龍潭今涸

龍王山龍潭

二統志在懷柔縣西半里舊城環其上下有龍潭
深不可測

徐家峪水

懷柔縣志在縣東四十里水自山下流半里許忽
不見伏行地中數里至順義縣之武級村始出

謹案此水考其方位亦入於白河而其道不可復
尋

趙惠井

一統志在懷柔東南八十里邵渠莊里人趙滌鑿
深五十丈

憫忠山井

懷柔縣志邵渠莊西北有憫忠山山高去地三十
餘丈雙井瑩然

孝悌莊河

懷柔縣志在縣東二十里孝悌莊西水無來源以
地形窪下夏月滙成大河延袤數里秋冬仍爲沙

壤俗呼假河

漿水

一統志漿水洞在懷柔東北百餘里洞有水色白如漿汲之不絕不汲亦不溢

飲馬泉

畿輔通志在昌平州銀山

黃龍潭在順義縣南三里

龍泉

二統志龍山在順義縣南二十里下有龍泉

下陂井在順義縣治東隅

靈蹟井在順義縣靈蹟院東廊下

七里龍潭

畿輔通志在通州東三十里廣袤一頃

三潮井

畿輔通志在通州舊潮縣北門外朝清午綠晚紅

故曰三潮

珠浦港

二統志在通州東北二十五里中產蓮藕蘋芰大
爲民利

飛放泊在廢潮縣南詳永定河篇

延芳淀在廢潮縣西詳永定河篇

西淀

遼史遊幸表聖宗統和十二年十一月漁於潞縣

西樂十二月獵於順州西淀

清泉淀

遼史本紀聖宗統和十八年二月幸延芳淀四月
已未駐蹕清泉淀

浮雞泊亦名浮雞洶在通州

元史郭守敬傳守敬面陳水利六事其一通州以
南於蘭橋河經直開引由蒙村跳梁傍至楊村還
河以避浮雞洶盤淺風浪遠轉之患

魚鷹灣河在楊村河流舊自西向東後改自北達南

久涸

富官河在楊村河流舊自北達南後改東久涸

謹案富官疑卽務官之訛

三角淀卽古雍奴水也詳永定河篇

泉州渠

永經注洵水又北逕雍奴縣東自浮沱北入鮑邱
河謂之泉州口陳壽魏志曹太祖從洵口鑿渠逕
雍奴泉州以通河海者也今無水

謹案三國志魏志建安十一年又從洵河口鑿入潞河名泉州渠以通海于慎行筆塵謂曹操鑿二渠一自潞沱入派水謂之平虜渠一自洵口入潞河謂之泉州渠方輿紀要同考泉州渠在東北而東入遼海不知在何處若因遺蹟通之以饋平虜遼西亦一便也泉州故城在幽州雍奴此卽鮑邱水下流與沽河相通之始也

平定淀在武清縣東北

麥子淀在天津縣北塌淀之西

胥河在麥子淀塌河淀東

東遊香淀在寶坻縣南八十里

八道沽一名十字沽在寶坻縣南

黑魚淀近塌河淀在寶坻縣西南

七里海在寶坻縣東南一百三十里

營口引河卽七里海引河

滙魚淀東西引河亦卽七里海引河

鯽魚淀東淀俱在寶坻縣南

蠻子淀在寧河縣東南

後海河在寧河縣潘莊

曲里海在滙魚淀東南

寧車沽在曲里海東南

西澗沽南澗沽在七里海東

謹案以上諸水俱詳薊運河篇

隄防

始皇隄

武清縣志在縣西三里未詳所始

龍門川壩在雕鶚堡南舊聚亂石爲壩以障南河之水
建築時代未詳

元隄

元史河渠志大德二年五月中書省劄付都水監
運糧河隄自楊村至河西務三十五處用葦一萬

九千一百四十束軍夫二千六百四十九名本監
分官提督巡河夫修理以霖雨水溢故工役倍元
料自寺洵口北至蔡村青口孫家務辛莊河西務
隄就用元料葺草修補卑薄創築月隄其楊村西
岸相對出水河口四處葺草不敷就令軍夫採刈
至九月住役泰定三年三月都水監言河西務萊
市灣水勢衝嚙宜於劉二總管營相對河東岸截
河築隄致和元年六月六日臨清御河萬戶府言

泰定四年二月河溢壞營北門隄省准修舊隄岸
展濶新河口東岸計工十五萬九千九百三十七
用軍三千木匠十人 本紀泰定帝泰定四年正
月築鄴州護倉隄順帝至正十年八月命樞密院
以軍士五百修築白河隄 列傳羅璧督漕至直
沽倉潞河決水溢幾及倉壁樹柵率所部畚土築
隄捍之

明隄

明實錄太宗永樂十二年八月修通州三河等處
水決隄岸九月順天府武清縣言河決要兒渡口
六百五十餘丈命工部遣官修築仁宗洪熙元年
六月驟雨河溢衝決河西務白浮宋家口隄岸宣
宗宣德三年六月順天府武清固安二縣霖雨連
旬衝決河西務及當渠里蔡家口隄岸上命二縣
民及屯軍合力亟修九年六月右副總兵都指揮
僉事吳亮言河西務東西上下水決隄防一十五

處迅激猛悍重載之舟恐失利上命行在工部發
軍民修築英宗正統四年六月通州至直沽隄開
三十三處爲雨潦所決詔發附近丁夫脩築五年
九月修河西務及直沽等處河隄十月命修香河
縣白河隄七年七月久雨水決武清縣筐兒港灤
縣中馬頭小蒙村河西務上馬頭隄岸共三十二
處九年閏七月工部右侍郎王佑言奉勅往視水
決河岸自蒲港兒至灤縣二十餘處其要兒汲尤

甚乞發帑夫物料脩築從之成化六年七月工部
奏通州至武清蔡家口河口并隄岸被水衝開一
十九處宜起價兵民并工修築以便漕運從之世
宗嘉靖十一年二月以通惠河脚價銀五千兩修
築天津迤北一帶要兒渡黑龍口桃花白等處決
口四十五年六月修理河西務馬營道等處隄岸
神宗萬曆三十一年工部議挑通州至天津白河
深四尺五寸所挑沙土卽築隄兩岸著爲令

河西務隄

黃圖雜記河西務萬厯中重築河隄余忝丁密雲
疏河記計東隄三百五十餘丈西隄一百餘丈高
各三丈五尺

桃柳隄

明王機桃柳隄記畧河西務城南隅地卑下不可
樹菰水至則街衢室廬淹沒無算萬厯丁亥權河
西務地官郎袁公表捐貲浚池蓄水以防汎決廣

百餘丈仿蘇公四周築隄間樹桃柳誠四序之奇觀也

石壩

通州志在州城北嘉靖七年建京糧從此盤入通

惠河

土壩

通州志在州城東通州糧從此起車運入西倉南

倉中倉萬歷二十二年郎中于仕廉相舊跡建新

開開隍濟漕省費甚多

國朝長隄

一統志在通州起自州東北境南至張家灣直抵

故潮縣北門綿亘三十餘里

楊景芳隄馬頭店隄
白浮店隄曹家莊隄

昔在州南舊
鄆縣東南界

通流閘在通州城內通惠河與白河交匯之處也

詳次

通河
篇

廣利閘

王瓊漕河圖志在張家灣中馬頭西上至通流下
牖十一里下至牖河口三里元至元二十九年始
建木牖延祐以後修石牖改名廣利 明實錄世
宗嘉靖二年三月御史向信言大通橋至張家灣
舊有廣利等閘今宜復修以紓民陸輓之苦從之

大清會典通州又有土橋廣利二閘亦廢

板壩在通州運河中

運河隄

二統志在武清縣運河兩岸自北而南歷河西務
下達直沽長百餘里有縣丞主簿把總等員分駐
其地隨時防禦 香河縣志明星堂隄金雞堂隄
清水灣隄麻窩兒隄甘十八隄鉗家屯隄三百戶
土門樓隄宋家灣隄河西務隄雙街隄河東搬口
隄西河屯隄火燒屯隄石灰廠隄羅家屯隄秦家
屯隄甄家屯隄狼兒窩隄西河舖上隄王家擺渡
隄靳家莊隄梗子上隄 河防志通州運河隄岸

自龍潭口起至白浮圖下老隄頭止計長八百二十七丈康熙三十三年修築香河縣運河隄岸官修長四百一十六丈民修長三百一十九丈武清縣運河東岸隄工二十號第一號東要兒渡口隄長一千九百一十丈康熙三十四年六月內被水衝決修築三十七年又修造水隄五百一丈二尺三十九年又衝坍四十年二月內修築第二號戶口隄長九百六十五丈係舊隄第三號十百戶口

隄長九百七十丈係舊隄第四號東黑龍口隄長
六百四十八丈係舊隄第五號四百戶口卽小王
家甫隄長七百丈康熙三十五年衝決修築第六
號二里淺口隄長一千四百一十四丈康熙三十
二年六月內衝決三百五十五丈三十三年二月
內修築第七號北蔡村口隄長八百六十七丈康
熙三十四年六月內漫開十二丈五尺三十五年
四月內修築第八號桃源口隄長九百六十丈係

舊隄康熙三十九年五月內漫開奉

上諭此隄離河遠不必修築第九號筐兒港隄長一千一百七十八丈七尺康熙三十六年三十八年並被水衝決三十九年二月內奉

旨另開新河築隄兩道第十號徐官屯口隄長一千八百丈康熙三十五年八月內衝決三十九丈五尺三十八年修築第十一號東寶家口隄長六百一十丈康熙三十九年五月內漫開四十年四月內修築

第十二號承安口卽閘王廟口隄長七百六十丈
康熙三十二年六月內衝決四十五丈三十三年
二月內修築第十三號朱龍口隄長二百六十五
丈康熙三十五年八月內漫開六丈本年九月內
修築第十四號閘家灣口隄長一千八百九十丈
康熙三十九年五月內衝決本年九月內修築第
十五號孫明口隄長一千八百丈康熙三十九年
五月內漫開本年九月內修築第十六號白馬灣

口隄長一千四百四十丈係舊隄第十七號閘洪
口隄長九百丈係舊隄第十八號張官屯口隄長
六百三十丈康熙三十五年八月內漫開九十二
丈三十六年七月內修築第十九號小新流口隄
長九百丈康熙三十五年八月內漫開五十一丈
五尺三十六年十月內修築第二十號信艾口隄
七百二十丈康熙三十五年六月內漫開七十五
丈修築西岸隄工二十四號第一號沙河李家口

隄長七百七十六丈康熙三十四年九月內衝開
一百四十八丈三十五年修築第二號閘家口隄
長三百一十丈係舊隄第三號車營口隄長五百
四十四丈係舊隄第四號劉吉口隄長一百四十
一丈係舊隄第五號棉花市口隄長七十三丈係
舊隄第六號鐵牛口隄長十八丈係舊隄第七號
西耍兒渡口隄長四百三十二丈係舊隄第八號
白廟口隄長八百五十二丈係舊隄第九號西黑

龍口隄長八百一十丈康熙三十五年八月內漫
開八丈五尺三十六年九月內修築第十號黃鬚
口卽傅官屯隄長一千一百五十丈康熙三十二
年六月內衝決八十三丈三十三年二月內修築
第十一號西王家甫口隄長一千六百一丈康熙
三十五年八月內漫開八丈五尺三十六年六月
內修築乾隆四十五年七月內漫開十丈八月內
修築第十二號灰窩口隄長一千一百二丈五尺

係舊隄第十三號聶下官屯口隄長一千二百一十五丈康熙三十五年八月內漫開二十八丈三十十六年七月內修築第十四號白駒廠口隄長一千八百丈康熙三十九年五月內漫開四十年

特發帑金委官修築第十五號鄭陳官口隄長九百三十丈

第十六號紫宮洶口隄長一千二十一丈第十七號王才口隄長一千三十丈第十八號西竈家口隄長八百一十丈第十九號馬家口隄長一千九

百八十丈第二十號劉灣口隄長一千六百二十
丈第二十一號蔡家口隄長二百二十丈第二十
二號桃花口隄長三千二百五十丈第二十三號
毛家口隄長三百六十丈第二十四號李家口隄
長七百二十丈俱係舊隄

謹案北運河隄工自通州北起至張家灣止長三

十六里有奇

通州州同轄

自張家灣起至長陵營止長

三十五里有奇

通州州判轄

下分東西兩岸自長陵營

起至王家擺渡止長二十七里有奇

係舊鄆縣康熙三十四年

添設州判一員分管

自王家擺渡起至河西務天齊廟止長

三十二里有奇

武清縣主簿分管務開楊村二處分界於此

自天齊廟

起至王家甫止長二十四里有奇

王家務把總分防

自王

家甫西起至楊村觀音堂止長二十四里

武清縣北汛縣

丞分

自觀音堂起至桃花口入天津縣界長四十

一里有奇

楊村南汛把總分防

自桃花寺至丁字沽疊道長

一千九百三十三丈自西沽起至玉皇閣礮臺疊

道長三百九十五丈

乾隆十年築西沽巡檢分管

東岸自牛牧

屯起至吳家舊窯止長四十四里有奇

香河縣主簿分管

自吳家舊窯起至王甫村止長二十九里有奇

武清

縣

兒渡

縣丞分管自王甫村起至筐兒港止長二十七里

三里淺把總分防務關楊村二廩分界於此

自三里淺起至包家營止

長一里七分

筐兒港千總分防

自包家營起至淖溝入天

津界長三十一里八分自淖溝起至隄頭村止長

四十二里

淖溝千總分管

其務關同知統轄自通州北關

至河西務長一百三十里八分西岸自長陵營至河西務天齊廟長六十一里有奇東岸自牛牧屯至筐兒港長一百里有奇楊村通判統轄西岸自天齊廟至桃花口長一百八里有奇東岸自筐兒港至隄頭村長七十六里

牛牧屯隄在香河縣雍正五年築

王家務引河隄自開口起至潘兒莊止南隄長一百二十里有奇北隄長一百六里有奇雍正八年築後

南隄漸圯乾隆二十一年總督方觀承勘明北岸隄
工上游仍歸務關同知經理下游自大白家莊前小
道起至隄頭廢土止長二十五里交寶坻縣臨河村
民認修

王家務減水閘雍正七年建於青龍灣因離河稍遠
宜洩未暢乾隆二年移建於此金門寬四十丈

孫家莊涵洞乾隆二十二年建在王家務引河北岸
大張家莊涵洞乾隆二十二年修築在筐兒港引河

南岸

筐兒港減河隄自開口起至梅廠止長三十一里有奇南隄自開口起至張五莊止長三十一里有奇又自張五莊起至孤雲寺止長四十里康熙三十

九年築

天津縣主簿分管

筐兒港石壩在楊家村康熙三十九年

命員外郎牛鈕建金門寬二十丈雍正四年展寬四十丈共

寬六十丈

謹案北運河自東北一帶會潮沽榆沙通會諸河
之水源高勢峻夏秋之交霖雨未止怒流已至頃
刻而丈故歷年潰決爲害康熙三十八年決武清
之筐兒港三十九年奉

命卽於決口建減水石壩二十丈開挑引河夾以長隄導之
壩河淀由陳家嘴賈家沽道分洩入於海河雍正
七年於河西務上流之青龍灣建閘四十丈開引
河而注之七里海仍展挑寧車沽河導七里海水

而洩之北塘口乾隆十年初次興修水利以塌河淀受筐兒港減河之水陳家溝賈家沽二渠通入海河爲出納而陳家溝因潮汐內灌泥沙淤阻請帑自淀西攆道沽經費家口抵運河初次水利工程奏畧通州東門外運河溜逼西岸城北石壩樓一帶遂成頂沖之勢今於卧虎橋石壩樓小神廟三處各建挑水板壩一座自小神廟北石碑起至邵板廠雞心壩止建護岸挑椿板工長三百

丈又張家灣東南沿河一帶自木版起至善人橋計長五里餘隄岸卑薄危險今建挑水壩三座護岸挑椿板工長四百六十丈並將長店頭村坍塌加培寬厚

草壩一在下坡店

武清縣主簿分管

一在張家莊一在王家

甫

王家務把總管

一在火燒屯一在觀音堂

武清縣北汛縣丞分管

一

在西楊村一在馬家莊

楊村南汛把總管以上俱西岸

一在三里淺

三里淺把總分管

一在東楊村

武清縣楊村縣丞分管

一在潭溝一在

趙家莊一在孤雲寺

澤潯下總分管
以上俱東岸

塌河淀隄長二十四里乾隆五年築

謹案淀受北運河之水派小源近浦漱常涸自筐
兒港石壩拓寬以來偶值驟雨怒漲盈槽數十里
間巨浸瀾漫極望歷年傍淀田地舊渠報墾陞科
者以水佔除糧矣其淀身周圍東南爲高地西南
爲引河西北有隄自何家莊樓接武清縣界至孤
雲寺北運河東隄止長十八里有奇東北有隄自

韓盛莊接武清縣界至西隄頭止長二十里有奇
賈家沽道隄引河兩隄以東水勢俱長二十四里有
奇乾隆五年築

橫隄在天津縣北自桃花寺達韓家樹止長十里雍
正四年築

蘆寨北運河在天津府城北纓河有隄東隄北接
武清縣南至隄頭村止長五十里有奇西岸北接
武清縣南至桃花寺止長二十里自桃花寺以南

舊爲疊道逕抵府城北關長三十里輸大清河經
由之道則由西沽浮橋踰子牙河經由之道則爲
西沽紅橋又南爲子牙河支流亦介疊道爲小紅
橋踰南運河經由之道則爲北關浮橋乾隆九年
初次水利工程案內重加修葺迄今高寬平坦行
旅利賴至桃花寺以達韓家樹村北於雍正四年
建築橫隄一道長十里接連鳳河東隄由是淀水
無北浸之處

橋渡

順濟橋

畿輔通志在赤城縣東北獨石城南三里 赤城
縣志明正統年建

古石橋

元史本紀順帝十四年初建龍門等處石橋 赤
城縣志今圯

長源橋

畿輔通志在赤城縣南門外 赤城縣志明監司

李仙風建坊題紫塞澄清四字今圯橋受鎮寧溫
泉諸水

國朝乾隆十二年水發道徙逼近城垣知縣孟思誼捐
工浚復

東橋

赤城縣志在城北門外康熙三十六年典史蘇世
望同邑人張進瑞等建三十九年知縣張良標添

建石隄乾隆十一年知縣孟思誼復修

樣田河橋

畿輔通志在赤城縣東南樣田堡北四里

捨身崖橋滴水崖橋七里墩橋

赤城縣志皆以木爲之夏秋水大則撤

雕鶚堡橋在龍門河康熙四十一年建

以上屬沽河

超渡莊石橋

畿輔通志在密雲縣東四十里明萬歷六年建

天津橋在昌平州銀山屬七渡河

謹案天府廣記銀山有天清橋卽天津橋也

印月橋

昌平州志在銀山

西大橋在懷柔縣西一里原止十空水大則增屬小

泉河

南富樂橋在懷柔縣東一里二空木橋橋面用石屬

小泉河

東大橋在懷柔縣房家莊西北原止二十空水大則增屬雁溪河

王化莊橋在懷柔縣王化莊東原止六空水大則增屬雁溪河

疊道小橋在懷柔縣王化莊下有泉源滙爲深潭土不能墊故架木爲橋橋西地屬沮洳因疊土爲道凡二里許屬疊道引河

謹案以上五橋皆在

御路每歲四月九月工部派員監看搭蓋務期寬展堅固康熙五十五年核定懷柔大小五橋工料銀共一百五兩三錢嘉慶十一年奉

旨嗣後每遇秋獮所有口內外橋座除地方官敬謹豫備外如遇雨水稍大應行趕緊搭造之時其密雲橋座著密雲副都統率領官兵幫同修搭著爲例

東西兩洞渡

懷柔縣志各立渡船二隻水手二十名每歲奉文飭縣備辦

北來橋

二統志在順義縣東十八里

謹案順義縣志有薛各莊橋在縣東十八里疑卽北來橋然所載鄉村則北來又在縣北二十五里未詳

高郎橋在順義縣東二十五里

魯各莊橋在順義縣東北二十五里

汗石橋在順義縣正東路距治二十里

牛欄山店堡渡

順義縣志堡東牛欄山有白河渡口

梭草村渡

順義縣志牛欄山白河渡設船二隻

向楊村渡

順義縣志在治北村東白河渡口

榆林渡口棒白村渡口新莊渡口河南村渡口北河
渡口李家橋渡口各設船一隻

虹橋在通州東三十里

謹案元史也速傳索羅帖木兒將同知樞密院姚
伯顏不花軍過通州白河水溢不能進駐虹橋築
壘以待石田集天厯元年燕帖木兒討禿佛迭兒
追殘兵於虹橋明實錄宣宗三年八月渡潞河駐
蹕虹橋橋之由來久矣燕石集一統志畿輔通志

俱作通州東三十里方輿紀要以爲州南又引志云州南有洪仁橋考洪仁橋卽馬駒橋爲凉水河所經非卽虹橋以東爲南亦誤

浮橋

二統志舊在通州城東門外白河上明洪武二十四年建設把總駐守

本朝改移北門水淺處額設橋船五十隻

謹案明實錄洪武二十四年春正月北平布政使

司左叅政周倬言通州白河北接大山諸河水道
東南至直沽海口每霖雨時降橋梁傾圯修築勞
民其通州舊有糧船六十餘艘罷運已久宜改爲
浮梁於白河之上書奏命議行之其後永樂宣德
皆屢修通州之白河富河橋梁四年九月以行在
工部尚書吳中奏白河用官船爲梁以濟餘皆用
民修治正統元年十月造通州白河浮橋以馬快
船及豫備運磚船爲之蓋白河水深沙溜橋梁難

成宜於用船也

通濟橋

畿輔通志在通州北關月城外舊爲木橋明萬厯六年改建石橋俗名臥虎橋

通運橋

畿輔通志在通州張家灣城南舊名南門板橋後圯明萬厯二十三年重建石橋

謹案通運橋在張家灣城門外明萬厯三十三年

稅監張華題請建長一十三丈寬二丈六尺高一丈六尺三空

善人橋

畿輔通志在通州南張家灣城南之長明店明萬曆中建

謹案善人橋在長店頭運河之旁萬曆三十三年張華建久圯僅存橋甃石

土橋

畿輔通志在通州南張家灣城北三里下通剝運
明改建石橋

天津橋

〔鄆縣志〕俗呼新河店橋元總督郭汝梅建在縣西
北二十五里

駱駝港橋在香河縣今圯

青龍灣石橋乾隆十七年建高五尺寬一丈長十七
尺

十字港石橋在王家務引河上乾隆二十二年民建
長二十一丈寬一丈高七八五寸

大口屯橋在王家務引河上乾隆二十三年建長十
九丈寬一丈高八尺九寸

潘兒莊石橋在王家務引河上長十七丈寬一丈二
尺高七尺十七空乾隆十八年建

雙街紅廟王家擺渡石灰廠四渡在香河縣運河上
東橋舊在武清縣河西務今廢

馬家莊石橋在筐兒港引河上康熙五十二年建長二十一丈寬一丈二尺高一丈十一空

梅廠石橋在筐兒港引河上康熙五十四年建長十三丈寬一丈高八尺十三空

河西務渡向置船一隻今廢

蔡村楊村黃莊潭溝渡船各一隻

造甲城木橋乾隆十一年建

東隄頭石橋去造甲城木橋二十里乾隆十一年建

木橋十八年改用石

謹案二橋並塌河淀通七里海引河之路

畿輔安瀾志

王履泰纂

白河卷四

修治

遼史本紀聖宗統和十二年正月灤陰鎮水漂溺三十餘村詔疏舊渠

金史河渠志章宗泰和五年正月調山南河北軍夫改治漕渠是年上至霸州以故漕河淺澁勅尚書省

發山東河北江東中都北京軍夫六千改鑿之犯屯
田戶地者官對給之民田則多酬其價 韓玉列傳
泰和中建言開通州潞水漕渠船運至都

元史河渠志至元三十年九月漕司言通州運糧河
全仰白榆渾三河之水合流名曰潞河舟行有年矣
今歲新開腠河分引渾榆二河上源之水故自李二
寺至通州三十餘里河道淺澁今春夏天旱有止深
二尺處糧船不通改用小料船搬載淹延數月致虧

糧數先是水都監相視白河自東岸吳家莊前就大河西南斜開小河二里許引榆河合流至深溝壩下以通渭川今丈量自深溝榆河上灣至吳家莊龍王廟前白河西南至壩河八百步及巡視知榆河上源築閉其水盡趨通惠河止有白佛靈溝一子母三小河入榆河泉脈微不能勝舟擬自吳家莊就龍王廟前閉白河於西南開小渠引水自壩河上灣入榆河庶可漕運又深溝樂歲五倉積貯新舊糧七十餘

萬石站車輓運艱緩由是訪視通州北通惠河積水
至深溝村西水渠去樂歲廣貯等倉甚近擬自積水
處由舊渠北開四百步至樂歲倉西北以小料船運
載甚便都省准焉楊村河上接通惠河下通漕沱入
江淮官民舟楫直達都邑利國便民延祐六年十月
省臣言漕運糧儲及南來諸物商賈舟楫皆由直沽
達通惠河今岸傾泥淺不早疏鑿有礙舟行宜分官
一員以時巡視隨宜修築從之至治元年正月漕司

言小直沽汴河口潮汐往來淤泥壅積七十餘處漕運不能通行宜移文都水疏濬工部議令大都募民夫三千日給傭鈔一兩糙米一升委正官提調驗口支給令都水監暨漕司官同督其事泰定三年三月都水監言河西務菜市灣水勢衝囓與倉相近將來爲患宜於劉二總管營相對河東岸截河渠隄收水道與舊河合四年正月省臣奏准樞府差軍五千人大都路募夫五千八日支糙米五升中統鈔一兩天

歷二年漕司言元開劉二總管營相對舊河運糧迂遠乞委官相視復開舊河便四月奏准差軍七千修浚後以冬寒候凍解興役三年工部移文大都於近甸募民夫三千日支糙米三升中統鈔二兩委官修闢至順元年六月都水監言白河水驟漲丈餘觀音寺新修護倉隄已督有司差夫救護今水落尺餘宜候伏漕興作又盧溝河與白河合流潰決爲患至大二年決縣境皇甫村延祐初決劉家莊皆興役修塞

謹案其餘修築詳見隄防

本紀世祖至元十三年七月以楊村至浮雞泊漕渠回遠改從孫家務八月穿武清蒙村漕渠十六年六月以通州水路淺舟運甚艱命樞密院令食祿諸官僱役千人開浚以五十日訖工十七年二月發侍衛軍三千浚通州運糧河二十三年正月發五衛及新附軍浚蒙村漕渠二月穿河西務河二十四年正月以修築柳林河隄南軍三千浚河西務漕渠二十六年五月發武衛親軍千人浚河西務

通州漕渠仁宗延祐二年正月發卒浚潮州漕河
順帝至正十一年六月發軍一千從直沽至通州疏
浚河道郭守敬列傳守敬言通州以南於蘭榆河
口徑直開引由蒙村跳梁務至楊村還河以避浮雞
洶盤淺風浪速轉之患又直沽河淤數年中書省委
崔敬浚治之給鈔數萬錠募工萬人不三月工成
明實錄宣宗宣德三年十一月行在工部言通州要
兒渡河水從東注而正河淺澁舟行不便請急修築

從之四年二月命隆平侯張信同太監沐敬浚河西
務河道及修隄岸先是河西務夏兒渡等處河岸冲
決命行在工部修築水急民少久無成功至是命信
等往督發在京操修軍士五萬一千人益之五年五
月命永康侯徐安行在工部侍郎羅汝敬自張家灣
抵直沽沿河提督運木勅令設法俾軍民商賈舟楫
通行不相妨碍如河岸冲決就督軍夫修築七年三
月行在工部尚書李友直奏通州至直沽河道紆曲

尤多淺灘再行阻滯永樂中常命侯伯二人總督浚
治請如故事上命行在戶部王佐往督之十一月王
佐言通州至河西務河道淺狹漕船動以虧計兼四
方商旅舟楫往來無港汊可泊張家灣之西舊有渾
河若疏濬近京師一二里百更加充廣漕爲巨浸令
可泊船公私俱便上謂其役重大命姑止之十年七
月修通州直沽要兒渡口等處隄岸英宗正統元年
七月運河要兒渡決行在工部請發漕運軍士及近

河軍衛有司發丁夫併力修築上以漕卒不可重勞
特勅別爲從宜區處二年二月以運河要兒渡決救
五軍各營發軍一萬往築之三月行在工部奏要兒
渡口修隄已完又新開河人甚便之乞令武清縣復
民三十家常巡視其隄毋致傾壞且立神廟以鎮之
上從其請三年十二月工部奏通州白河自正統元
年水溢決孩兒等口〔通案〕即要兒口傷民田稼請令把總都
指同知劉斌及通州發夫築壅上從其請四年八月

先是雨水決河西務隄岸發順天府寶坻等縣民失
修築至是行在大理時右少卿李珍疏請罷修不急
隄堰徵回督工官員從之孝宗宏治五年憫薪司左
司副何鼎奏請於都城隙地增置倉廩即請修濬太
通橋以通石閘河道令漕舟直至橋下以省轉輓之
勞戶部會議以爲京倉之建固善但地狹未可驟盈
石閘之說果便然後施行從之嘉靖成化三年七月
總督漕運右副都御史滕昭言儀徵至通州俱係運

道而淮揚一帶水路各有專官管理惟是直沽至通州事多廢墜請令張家灣收磚主事督同所在軍衛有司委官提調各淺夫老人以時採取楮草每春糧運之時遇有水淺漫流如法築置壩堰通水路歸沽庶糧運無滯留之患准議行之五年三月工部奏自通州抵天津衛河道淤塞不通宜加疏濬以便漕運從之六年七月監察御史康驥奏請疏濬張家灣橫河口水灣套以泊運船修墊自京城抵通州往來要

路以便糧運上命俟年豐爲之十二年二月工部言
永平府暨通州等衛各奏原派疏浚通惠河并直沽
新開沽入夫地方多有遠近欲得彼此相易爲更會
保定府亦言各縣河岸衝決數多乞存留原派協濟
通惠河人夫而本部委官徐九思等亦各言慮溝橋
及直沽天津迤北南營要兒渡口一帶河道衝決淤
塞有妨漕運比之通惠河尤急宜如所奏准其存留
移易惟要兒渡則照原定人夫不必更動爲便從之

世宗嘉靖十五年九月戶部等衙門會議漕運事宜
將管理通州郎中移剌楊村等地方每年當春仲秋
杪之際嚴督各該夫老人等遇有淤淺卽酌量工力
疏濬候運船到灣仍詣通惠河提調詔如議行二十
八年七月戶兵二部議覆巡倉御史阮鶚疏陳漕運
事宜一大津以北河道宜令管河郎中每年三月親
詣淺所疏濬一天津一帶河道宜分屬巡倉御史管
理一河西務起至石土二壩宜刻立水則淺深其起

剥多寡可坐而定議入從之穆宗隆慶三年總理河道御史翁大立言治河之役宜畫地責成於是工部覆議以蒙村蔡村要兒渡等處隄岸河西務上下淤淺屬霸州兵備會同通州郎中經理從之五年五月巡倉御史唐鍊條奏曰河沙谷等淺僅五里淺而以轉船厚費運軍不勝其苦宜令所司及時疏濬允行神宗萬曆十年四月戶部題漕糧遠者六七千里近亦四五千畢週年道路疏通不踰春月俱達天津北

至白河咫尺京師反不能依期抵壩何也一則起剥甚難一則濬河不力宜令漕倉各衙門嚴行沿河承委州縣官令其晝夜駐劄臨河各分汛地督催隄夫淺夫挑浚白河一帶平河漫流淺阻務期深闊無滯如原設夫役不敷許動官銀僱募協助俟糧運完日報部議補報可三十八年八月工部覆管通惠河主事議將通灣天津一帶白河委官調集各屬額派淺夫設法挑浚務深四尺五寸所挑河土卽於兩岸築

隄以防水發俟挑完果有成效著爲令每年糧運將
到豫先料理疏浚其各淺淺夫依議裁減餘者繳銀
貯庫至各屬額派椿草柳栽曠土等俱案季交收從
之詳見隄防崇禎長編崇禎三年五月廣西道

御史劉士楨上言查運河自密雲直達天津實爲京
東大壘但由津至通一百餘里由通至密一百三十
餘里中間水勢高下參差淺深不一今誠興中浚築
於上水挑濬使深築壩以壅下流使三百餘里河水

俱深丈餘或五里或十里或數十里隨勢高下建閘蓄水每閘內又量地遠近分兵之多寡設船以作遊兵俾借船爲城因河爲塹運糧無虞戰守有備是誠今日急著也章下部議覆上帝命分任責成仍嚴限報竣直隸巡撫董羽宸上疏爭之謹按京左漕河發源塞外滙萬山泉源以入密鎮又從頑石溜河以抵潞河自密至通州計二百四十餘里爲淺五十九則純沙無土沙之挑積岸際者皆浮盈靡漫日炙風吹

乾如細麪若游塵揚於空中復飄水底旋淤旋挖且
時際亢暘涓滴一溜驟遇霖雨浩淼無涯甚而河道
收徙平陸成淵通流倏涸回名自在流沙此地勢然
也祖制自密雲而下戶部抄運差轄之由通而下工
部通惠差跡之止能因勢利導未聞有開掘丈許之
深堆土數尺之高者非謀不出此勢不能也今以五
六百里之長渠當千萬糧艘之湧至河流既不可堰
雨涸又不可期畚鍤諸夫何處著腳加以額設挖運

夫淺夫但能并力挖淺不能處處興工漕河一帶軍
國命脈攸關目前宜嚴責河職竭力濬挖淺阻必罪
勿有不言尚深而高深自在其中倘徒勞人力徒費
金錢濬之終不成深堆之終不成高乞敕臺臣親行
踏勘與撫院道部確商以取進止 劉天和問水集
白河逕密雲諸山且全受津榆諸河之水夏秋暴漲
隄防不能禦源遠流迅勢水漫散河皆依沙深淺
塞不常運行甚艱殊無策以治之惟用堦杓數千具

治河官夫遇淺卽濬此外運舟各攜四五具二三百
舟卽可得千餘具合力以濬頃刻而 盤剝大省矣
近有議於白河建閘者河廣水盛漲必他決底皆淤
沙閘必易損且河徙無定乙未王家渡河一歲徙十
五里閘難改移蓋未水達水止之宜也又運數千惟
白河隄防大壞厯觀河底兩岸率皆淤沙以致易於
衝決遷改與中州黃河略同治隄宜遠宜堅宜植柳
諸法亦略同更有異焉每見村莊週遭積沙成巨隄

上復多柳云以禦水詢之乃先於平地植低柳成行以俟風沙搏聚旋自成隄柳愈多則沙愈聚根株盤結水至無害也治河者如之不亦大省民力耶然惟彌望平沙無可取土者方用此法若以堅實河岸仍取土隄低下培築高厚更植深柳爲完美耳（議簪）耳烈運河自通州而南至直沽合衛河入海者白河也白河底多淤沙沖決遷改多與黃河同或謂令每運舟自擁兜杓三四百具遇淺卽濬此亦省費之一

策要之白河甚廣沙故漫漲以堅隄束之沙亦可以
隨水而去有爲建閘之說者謬矣 河防一覽楊村
以北通惠之勢峻若建瓴白河之流游沙易阻浮沙
之地旣難建閘以備節宣惟有濬築之工殊爲喫緊
萬厯十五年創設管河通判專駐楊村其爲修防之
計得矣但查沿河兩隄如板簪口火燒屯通濟廠東
要兒渡口王家務華家口閻家口棉花市豬市口觀
音堂蔡家口桃花口以上隄岸坍塌卑薄最爲險要

水發卽決濱河州縣渰漫爲害漕艘漂蕩人甚危之
應行司道督行管河官每歲冬間辦積椿葦春初率
夫將前隄加高帮厚真土石杵不雜沙塞責糧運將
至設法疏濬或築束水小壩衝刷深廣俾漕舟無膠
滯之憂民免沮洳之患

本朝畿輔通志白河會潮沽榆沙通惠諸河之水源高
勢峻而西北諸山泉流匯聚伏秋之際積雨未歇怒
流已至頃刻尋丈非徒恃隄防所能捍禦也康熙三

十八年決武清縣筐兒港二十九年

聖祖仁皇帝親臨閱視

命員外郎牛鈕等於決處建減水壩二十丈開挖引河夾以
長隄而注之塌河淀由賈家沽道洩入海河楊村上
下百餘里河平隄固有

御製碑文誌其事五十年以河西務工程險要

親臨指授命牛鈕開挖引河復以河西務城東有舊河形對

新河下口至三里屯長四百餘丈

特命開直河一道次年工成於是新河之溜移流於西而東岸大隄之汕刷以免要兒渡之衝險無虞矣雍正三年大水隄岸埽壩多有衝潰四年經怡賢親王奏請北運河一切工程歸通永道統轄河西務設同知一員楊村設通判一員分界管理增置縣丞主簿等官以專防守五年河水泛溢東西岸漫決者四六年怡賢親王奏拓筐兒港舊壩濶六十丈展挖引河收築長隄七年疏濬賈家沽道分減旣多消洩亦暢故壩

門以下河水安流而河西務一帶距壩稍遠山水暴至遂復漫決上厓

聖懷發帑遴員授之方略於河西務上流之青龍灣建壩四十丈開引河而注之七里海導七里海水而洩之北塘口上下分消區畫盡善運道民生均獲寧謐

乾隆三十五年北運河東西岸河水異漲決西岸之王甫汛張家王甫隄及東岸之周家等莊八處縷隄先後漫溢次第堵築三十七年請以王家務滾壩落

低僅兒港修築灰土疏濬減河兩處培築南北兩隄
四十年以楊村廳險工林立工程倍繁於務關以儘
北之王家務長七十五里有奇改隸務關同知四十
三年復以王家務至僅兒港之六十里河身彎曲每
遇盛漲不能宣洩於上游吳家窪添築草壩以分其
勢中開引河斜接王家務減河以導其流而以吳家
窪壩座河隄改歸要兒渡縣丞經營并以王家務外
委撥歸汛內協力修防四十五年王家務隄漫溢旋

堵塞之四十九年石壩南壩臺雞心草壩改築灰土

護壩嘉慶七年開挑河溝六處計費千五百餘兩

築隄岸十三處計三十餘丈八年於楊林北汛添設

護涯草壩十一年復於馬家莊壩西接建草壩俱得

行嘉慶八年及十一年自並部稅局至流永清廣益

怡賢親王水利奏畧白衛爲漕艘通達之要津額

設夫役錢糧貢成河官分段歲修轉於河道直隸

總督適年以來白河安瀾無泛溢之患惟飭管河

官加謹防護可保無虞 又工竣情形奏畧一白
河性善淤刷飭令通永道高鑛加謹防禦牛鈕所
修舊工俱令加築堅固以故山漲瀑下隄岸無虞
總督顏檢添設護涯草壩奏畧本年南運河並
未添有新工惟北運河楊村廳北汛火燒屯村南
月隄頭秋汛期內危險新添護涯草壩二段北一
段長二十丈南一段長二十丈均寬一丈七尺高
二丈二尺 總督裴行簡接建草壩奏畧本年自

大伏汛以來河水節次長發南北兩岸向無埽廂
工段二經大溜側注汕刷隄根更爲喫緊北運河
通判所管楊村南汛馬家工壩西險工一段正當
迎溜埽灣衝刷隄身形勢險要接建草壩一段長
四十丈寬一丈四尺高二丈二尺

謹案白河自順義縣北牛欄山以前代爲密雲
邊戍餉道故遏絕潮河於密雲縣南使歸并白河
水勢旣順餉道亦通至通州以南則南運由天津

北上其有關於倉儲尤急遼金作都尙未全藉東
南之粟故治之之蹟亦不甚著元有天下東南漕
艘直抵通倉其疏濬之方更不絕書明建北京遷
都在燕仿元人之區畫而又加勤焉我

朝定鼎以來

列聖神謨睿算

皇上籌度周詳至精至悉盡善盡美迄今河流順軌太倉
之粟陳陳相因故取前史之記載及通志之論述

謹著於篇備考鏡焉

官司

明順天府通判一員

明實錄武宗正德十二年八月巡撫直隸御史吳
閻乞照成化年例添設通判一員卽河西務爲治
所專治天津一帶河道嘉靖十五年九月戶部議
將管理通州郎中移劄楊村等處地方隆慶三年
十二月工部議覆以蒙村蔡村要兒渡等處隄岸
河西務上下淤淺屬霸州兵備會同通州郎中經

理

蜀州兵備道一員

通州郎中一員

河匹務把總一員

添設通判一員

明會典河西務至天津一帶河道設有把總一員

管理挑淺軍舊於就近通州武清等衛指揮內委

用嘉靖三十三年題奏於武功三衛軍政指揮內

揀選劄委五年一換近議裁革添設通判一員專管

附
舊設夫役

明會典運河夫役萬厯四年新舊額數通州普濟等閘五共夫九十三名淺鋪十小甲十名夫一百名修隄小甲八名夫七十五名通州左衛淺鋪二小甲二名夫二十名修隄小甲三名夫二十六名通州右衛淺鋪四十小甲四名夫四十名修隄小

甲四名夫二十六名定邊衛淺鋪二小甲二名夫
二十名修隄總甲一名小甲四名夫四十五名神
武中衛淺鋪三小甲三名夫三十名修隄小甲五
名夫四十五名寶坻縣修隄小甲四名夫四十六
名東安縣修隄總甲一名小甲六名夫七十一名
縣淺鋪四小甲四名夫四十名修隄總甲二名小
甲八名夫九十名香河縣淺鋪六小甲六名
夫六十名修隄總甲一名小甲三名夫四十名營

舊用
光人

州前屯衛淺舖四小甲四名夫四十名修隄總甲
一名小甲二名夫二十四名看守淺夫三名武清
縣淺舖十一小甲十一名夫一百一十名看守要
兒渡口等隄五處總甲一名小甲五名夫五十名
修隄老人一名總甲二名小甲九名夫九十二名
武清縣淺舖四小甲四名夫四十名修隄總甲一
名小甲一名夫九十九名
〔明實錄萬厯四十六
年十月直隸巡按董元儒奏陳漕運六議一曰修

濬白河天津至通州計五十九淺每年額派各州
縣衛淺夫一千七百餘名費工食萬餘金宜將額
派銀兩解通惠河衙門轉發管河通判及四總委
處募夫浚築自潞河以至津門畫地分工勿令衙
役經手卽軍衛亦以此法行之查無浚築之功卽
扣留月米僱募充役上命依議行 治水筌蹄白
河天津至通州凡五十九淺有淺夫以濬淺有隄
夫以築隄百八十年隄失猶故也而以淺夫爲引

舟夫者誤矣今爲之復舊制云

本朝通永河道一員駐劄通州本通薊兵備道康熙八年改通永河道十一年復爲通永道兼管河務漕運通判一員駐張家灣

通州州同一員

通州州判一員

通州添設州判一員

康熙三十年設

務關同知一員

雍正五年設

楊村通判一員

雍正五年復設

香河縣主簿一員

要兒渡縣丞一員

雍正六年設

楊村北汛縣丞一員

東楊村主簿一員

雍正四年設

河西務巡檢一員

西沽巡檢一員

王家務汛千總一員

筐兒港汛千總一員

淖溝汛千總一員

王甫汛把總一員

楊村南汛把總一員

三里淺汛把總一員

謹案以上千總把總六員又王甫汛河西務主簿
汛楊村南汛筐兒港汛各設協防經制外委一名
管理隄壩

張灣遊巡千總一員

河西務遊巡十總一員

謹案以上千總二員管理漕運

張灣上汛把總一員

通州上汛把總一員

楊村汛把總一員

謹案以上把總三員又張灣下汛通州中汛河西

務汛蔡村汛各設經制外委一名專司挖河

北運河額設河兵五百二十六名內食戰糧者五十六名食守糧者四百七十名

祠廟

龍神廟在赤城縣

口北三廳志一在黑龍潭上一在龍門溝一在莊利

謹案赤城縣志龍神廟在縣南門外景泰五年建各堡皆有

湯山廟

口北三廳志在獨石口

靈泉寺

口北三廳志在龍門所塘子口外十里雍正二年
重修

萬全寺

口北三廳志在滴水崖盤道口外東南十里舊名
亂泉寺康熙二十年重修

龍母廟

口北三廳志在二道河

山神廟

口北三廳志一在西卯鎮一在孤石兒

獨石神廟

畿輔通志在赤城縣北獨石城南明正統七年建

祀土神

溫泉神廟

畿輔通志在赤城西湯泉上明正統六年重修

龍神廟

龍門縣志小東門外明萬厯四十七年建

龍王廟

懷柔縣志在東嶽廟土邱下稍南

龍泉寺

武清縣志在縣治北王固莊明洪武年建

靈應龍祠

一統志在武清縣東北河西務

龍案祠爲明建隆慶間重修

水利

漢狐奴稻田

後漢書列傳張堪拜漁陽太守迺於狐奴開稻田
八千餘頃勸民畊種以致殷富百姓歌曰桑無附
枝麥秀兩岐張君爲政樂不可支

唐孤山陂

唐書地理志漁陽郡三河有孤山陂溉田三千頃

元順義泉

昌平山水記順義縣境內泉源不一皆入於白河
元至元十二年丞相脫脫言京畿近水地召募江
南人畊種歲可收粟米百萬餘石不煩海運京師
足食從之於是西自西山南至保定河間北抵檀
順東至遷民鎮凡官地及元管各處屯田悉從分
司農司立法佃種

寶帶渠

二統志在懷柔縣城外縣人鍾其滌鑿渠引水縣

境鹹土自後遂成水田

靈蹟泉

順義縣志溉稻田五十餘頃

聖井

徐昌祚燕山叢錄順義縣井一曰三溢海潮則大
溢相傳源與海通民䟽其水灌田百畝號曰聖井
謹案以上三水引以灌田始自何代未詳